

آئونه شرائطی : هریر ایچون
سنه لکی (۲۷۵) آلتی آیلنی
(۱۵۰) ممالک اجنیه ایچون
سنه لکی ۳۲۵ غروشد.

نسخه سی ۵ غروشد .
ایکی نسخه برآراده
(۱۰) غروشد
سنه لکی ۵۲ غروشد .

اداره خانه : باب عالی جاده سنده
رشید افندی خانه

اخطارات
آئونه بدلی پشیندر .

مسئله موافق آثار مع المنونیه
قبول اولتور . درج ایدلن
یازیلر اعاده اولتور .

الشیخ الاسلام

سر ۱۳۳۰

آدره من تبدیلنده آریجه
۵ غروش کوندرملیدر .

مکتوبلرک انصاری واضح
واووناقلی اولسی و آئونه
سره نومروسی عیوی
بولونسی لازمدر

ممالک اجنیه ایچون آئونه
اولانلرک آدرسلیزینک
فرانزجه یازلسی رجا اولتور .

پاره کوندردلکی زمان نهیه
دائر اولدینی بیلدرلی
رجا اولتور

اتبعون اهدکم سبیل الرشاد

صاحب و مدیر
اشرف ادیب

باش محرر
محمد عاکف

والله یهدی من یشاء الی صراط مستقیم

جلد ۲۲

۲۰ ایلول ۱۳۳۹

* بخشنه *

۸ صفر ۱۳۴۲

عدد ۵۶۱-۵۶۲

آنغلیقان کلیساسنه جواب

شرعیات مجیدی طرفنده آنغلیقانه کلیسانه کوندرملک اوزره ترقیقات و تألیفات اسوهیه هبنت علمیسی رئیس عالیسی شیخ عبدالعزیز
ماریسه افندی مضمئرلرک تألیف بربرورقلری موابدر :

دیه اسلامک خصائصی

اندای عظامک طرف الیهدن وحی ایله تبلیغ ایتدکلرینی قصد ایدیوروز .
احبار یهود ایله حواریون و امثالنه نسبت اولونان کتابلره کلنجه بونلر
من طرف الله وحی ایدیلش اولمادیغی ایچون دین توحید اولان دین
ابراهیمه مطابق و جناب حق کندی ذات سبحانیسه انبیا و مرسلینی
حقنده اختیار ایتدیکی اوصاف کماله موافق بولونان قسملردن ماعداسنه
ایمان مسلمانلره واجب دکلد .

شوحالده مسلمانلر الله ، اللهک پیغمبرلرینه ، کتابلرینه ، شریعتلرینه
ایتایلرلر والله ایله انبیا و مرسلینی بوتون نقیمه لردن منزله بیلیرلر .

دین اسلامک ظهورندن بری مسلمانلرک تورات ایله انجیللر
حقنده کی فکری اون سکزنجی قرن میلادی فیلسوفلریله آنتونی
کولنر ، طوماس وولستون ، هوقسلی ، ماتیوتندال ، وولتر و امثالی
کی صوکرده دن کلنلرک فکرینه بکزه یوردی . بونکله برابر اسلامک
ظهورنده کلیسا کندیلکندن تفرقهیه دوشمشدی . بر طرفدن تشیه
قائل اولانلر بولوندی کی ، دیگر طرفدن ماریونی مذهبی واردی که
انجیللرک حضرت مسیحه اسنادی طوغرو اولمادیغنه ولوقا انجیلی ایله
سن بولک اصحابندن اوراق بر قسمی استنسا ایدیلک شرطیله هبنتک
صوکرده دن تصنیع ایدیلدیکنه قائل بولونیوردی . بو مذهب عیسی

۱۰ . بونوره کتابلره و بونوره
پیغمبرلره ایمانک ره جوینده
اسلامک نفردی
اسلام اولیله بر دیندرکه حق اعتراف
ایتمک ، حقه استقرار و برمک ، انسانلره
دائما حقه صاریله بی خاطر لایق ایچون
کلشدر ؛ یوقسه حق باطل ، باطلی حق
کوسترمک ، بر پیغمبری ، بر کتاب سواوی بی طایماق ، یاخود بی
برشیته فنا ، فنا برشیته ای دیمک ایچون کله مشدر . علیه الصلوٰة والسلام
افدیمر الله ، اللهک ملکلرینه ، کتابلرینه ، پیغمبرلرینه اینساندیغی
وبو پیغمبرلردن هیچ برنی دیکرندن آیرمادیغی قرآن ایله اعلان
ایتدیکی کی ، الله ، اللهک ملکلرینه ، کتابلرینه ، پیغمبرلرینه و یوم
آخرته اینانمایانلرک مددش برضلال ایچنده قالدیغی یننه او کتاب مین
ایله بیلدریوردی . بونک ایچوندرکه شرایع سالفهیه اینانق و انبیانک
تلقین ایتدیکی فضائل و کالانی آلمق خصوصنده اسلام فطرت سلیمیه
تمامیله مطابق حرکت ایتمشدر . بوتلیغات ایسترا ابراهیم ، یاخود موسی
علیهم السلام ، ایسترسه علیه الصلوٰة والسلام افدیمرک طرفندن
اولسون ، نظر اسلامده مساویدر . طبعیدرکه زلر بو خصوصده آنجق

علیه السلامک اصلدیننی انکار اتمشدی واقابنی ایکی به ایندیرمن تشیه مذهبله والاتی مذهب بو خصوصده کنندیسه عینی فکریده ایدی . ایشته اسلامک ظهورنده خریستیانلق کلیسائی شوتصورر ایستدیکمز حالده اولدیننی کی یهودیلکده اولیل ایدی . حتی یهودیلرک کنندی آلرلیله دینلرینه ، کتابلرینه صوقوشدوردقلری بدعتلردن میدان آلان قاریشقلقلر ده یاماندی .

بویوک محیطالمعارفلر اتفاقه یقین برلسان ایله بیلدیریورکه ایکنجی عصر میلادینک صوکرینه طوغرو کلیسا او ایکی عصر انساننده نصرانیلکه صوقولان بدعتلرک بچوقلغندن طولانی آرتیق دین منیجی ایچون برمقیاس اتخاذه کی ضرورنی کوردی . بونک اوزرینه رؤسای دین عهدقدیمک وعهدجدیددن یالکز متی ، مرقس ، لوقا ، یوحنا دن عبارت اولوق اوزره دردینک معتبر طوتولمسی اتفاق ایله قبول ایتدی . متبسا قیسنه کلنجه بونلردن بر قسمنک صحتی خصوصنده کلیسا رجالی آره سنده اوزون زمان سورن شدتلی برزاع اولدی . بر قسمی حقنده کی شه لرده تزايد ایتدی . آردن چوق وقت کچدکن صوکره کلیسا بوکون عهدجدیدنامیله معروف اولان اناجلی اجماعه بکزر بروضعیتله قبول ایتدی . ۱]

حضرت پیغمبر اهل کتابک هر ایکی قسمیله مناقشه لری اتسانده کندیلرندن توحیددن بشقه بر شی ایسته میوردی . ۲] توحید ایسه حقتک بوتون انبیای مرسلینه وحی ایله بیلدیردیکی ومخلوقاتی حسابنه باشقه بر دینه راضی اولمادینی دین الهیدر . علیه الصلوة والسلام افندیمز « یا اهل الکتاب تعالوا الی کلمه سواء بیننا و بینکم الا نعبد الا الله ولا نشرك به شیئاً ولا یخذه بعضاً بعضاً ازباباً من دون الله - سورة عمران ۳] دیبه رلک نصرانیلرله یهودیلری او دین توحیده دعوت ایدیوردی .

جناب پیغمبر بود دعوتده بولونیوردی . چونکه ده مین سویلدیکمز کی توحید کنندیسه شریک قوشولمسی اصلا عفو ایتمه بن اللهک دخی ایدی . توحید میلادک عصر اولنده بولونان کلیسانک دخی ایدی . ۴] صوکره توحید غریبلرجه « دونه سانس » دینیلن دورانتباهک بدایتدن بریدرکه نصرانیت دنیاسنه تکرار دوندی و اشاعیده تفصیل اولونه جنی وجهله برچوق یرلرده وحدانیت الهه قائل کلیسالر وجوده کتیزدی . بناء علیه مسلمانلر موسانک شریعتندن باشقه شریعت بوقدره دیوبده اولندن اول و صوکره کلش شرایقک هپسنی انکار ایدن یهودیلرله

۱] هارمزوورس - بیل مادمسی . Bible

۲] قرآن کریمک بر چوق سورملرینه مراجعت .

۳] ای اهل کتاب ! کلکز ، سزلرله آرازمده کی آیریله مایه جغیز برکه اوزرنده طولانلم که اوده هپس بریمزک اللهدن باشقه سته طاعامسی ، اوکا هپس بریشی شریک قوشامسی و برقسمزک برقم انسانلری معبود اتخاذه ایتمه منیدر .

۴] هارمزوورسک محیطالمعارفندن Unitarianisme ماده سته مراجعت .

بکزه مدیکی کی ، موسانک پیغمبرلکنه وتوراننه اینساندقلری - لده علیه الصلوة والسلام افندیمزک رسالتی تصدیقه یاناشایان خریستیانلرده بکزه منزلر . حال بوکه انجیللر کوزمزک او کنده طورییور : نه حضرت مسیح دن صوکره وحیک منقطع اوله جغه دلالت ایدر برجهتی وار ؛ نه ده هراییکی حیاته عائد احکامی ده ای طوبلامش ، هراییکی سعادتک مفتاحنی ده آچیق کوستره جک باشقه بر شریعتدن جهسان بشری و ارسته قیله بیلن طرفی .

تورائده ظاهری سیاست حقنده بر طاقیم احکام تعاملیه موجود ؛ نصرانیتده یالکز باطنی سیاسته عائد بعض تعلیمات وار . اسلامه کلنجه بونلرک ایکیسینی ده جامع . خریستیانلق فانیلکه تشویقکار اولان تعلیماتیه میدان جیقمشدی . او سیدن عالمک تأمین سعادت ایچون بو تعلیماتک یانی باشنده اینتر تورائده وارد اولدیننی اوزره الهی اولسون ، ایسترسه رومالیرک وجوده کتیردکاری کی موضوعات بشریهدن بولونسون ، هر حالده بقای ترویج ایده جک بر طاقم قوانین اجتماعیه نک وجودی ضروری ایدی . بناء علیه نصرانیت حیات فانیه و باقیه نک سعادتیه هیچ برزمان کافل اولمادی و اولمایه جقدر . ذاتاً بونلرک تابعلرندن کیمسه جیقبوب بوعواده بولونمادی بویله ایکن دین اسلامک صحتنی و اودین مینی تبلیغ ایدن رسول معظمک رسالتنی اقراره یاناشامقده اصرار ایدیورلر . حاصلی مسلمانلر مسلمان اولقله برابر دین موسی و عیسی نک اساسانده ایمان ایدیورلر . آنجق انواع شرکدن هپس برینه قائل اولمازلرکه نصرانیلرک تشلیتی بوجه دندر . صوکره نه کناهک ارثاً انتقالنه اینانیرلر ، نه ده الله ایله مرهانیکی برمخلوق آراسنه کریش برپرد بولوندیغنی ، بناء علیه رضای الهی بی جلب ایچون شفعلره ، متوسطلره احتیاج اولدیغنی طانیرلر .

طوغروسی ، مسیحیلرک اهل توحید قسیمی جدأ اسلامه یاقلاشمقده ، سوسینی ایله دیکر لرینک ایالیاده ، بولونیاده ، ترانسیلوانیاده و اوروپانک سائر لرلنده یاقلمقده ولدقلری مذهب توحیده کوره : « الله بر ، طوغرامش ، طوغورمالمش ، کنندیسه کیمسه نک کفو اولوق امکانی یوق . صوکره ، مسیح یاروح اللهدرکه ملائکه دن افضلدر ؛ یاخود بیلدیکمز آدملرکی بر آدمدرکه آنجق بعث و رفع اولوندقدن صوکره مسیح وسید اولمش . عهد عتیق و عهد جدید کتابلرینه و بریله بیله جک الک صوک پایه اشارت نبویه بی حاوی برسجل اولمقدن عبارت . »

ذاتاً قدیم کلیسا جناب مسیحک وظیفه سنده کی ۱] قدسیق شایان مناقشه کوردی . و عیسانک فوق الطبیعه اولمسی مسئله سنده باشقه لرله اوزون اوزادی به مجادله ایتدی . صوکره ، آمریقا حکومات متحده سنی کلیسالر حضرت مسیحک فوق الطبیعه اولمسی رد خصوصنده برلشدیلر . بوندن باشقه عیسی علیه السلام بوزندن بشرک کناهلری محو اوله جنی عقیده سنی ده مذهب توحید کلیسالر طرفندن قبول ایدیور .

۱] حضرت آدم طرفندن ارثاً انتقال ایتدیکی زعم ایدیلن خطیه دن بی بشری تخلیس وظیفه سی !

تصحیح . — بکن نسخه نك ۹۸ نجی صحیفه سنده ایکنجی ستونك آلتنجی سطرندەکی (بیلیر) کله سندن سوکره شو جلە اوله جقدر، لطفاً علاومسی: مخلوقات ایسه علم آلهیسندن بالکیز اونک دیله دیکنی قاورایه بیلیر، باشقه بر شی بیلە من؟

§ ۱۰۱ نجی صحیفه نك برنجی ستونك ایکنجی سطرندەکی (اوله سناك) کله سی یا کله شدر، طوغروسی: (اولسناك) در. معنا يك فاحش بر صورتده دیکشیدیکی ایچون هر حالده تصحیح اولونمسی اقتضا ایدر.

رؤیت هلال مسٹر سی

فاضل محترم فطین افندی حضرتلریته

رؤیت هلال مسئله سنه دائر سبیل الرشادده انتشار ایدن مقالات

فاضلانلری کمال ذوق و دقتله او قودم . جداً صلاحیتدار بر لسان عالمک افاداتی اولان ایضاحات فیه لری بعض اقتطاعات فقهیه و تمینات مخصوصه دیانت پروردیلرله تزییل ایدلمش و علی الاطلاق علماء اسلامیه به بر حصه خطاب افراز بیورلمش اولدینی جهته — نهدنر بیلیمورم — بو خطابدن آز جوق بر سهم توهم ایتک جرأتکارلغندە بولندم . صلاحیت مسلمة فاضلانلرندن منتظر اولدیقم وجهله، قدرت فیه کزله قوت دیانتکیزک بین السماء والارض بر نقطه تلاقی بولمق اوزره، متوازیاً مسابقه کیرشدکلری کویسترن مقالات مه علمیه لری او دقیق و دقیق سیر و قیمتلریله روحی او خشارکن، شخصیت فاضلانلرندە ایستدیکمدن زیاده بو کسک بر مخاطب الهام ایتش و عاجزلریته بو خصوصده بر وسیله کلام بخش ایله مش بولندیقندن طولانی آریجه شایان تشکر دره . شرعک سبب وجوب صوم اولمق اوزره اثبات شهر نقطه نظرندن عموم حسابنه تعقیب ایتدیکی شهود و شهادت هلالی ذات عالیلری مجرد اثبات وجود هلال نقطه نظرندن و خصوصی بر حیثیته تعقیب بیودیگنزدن دولای بعض حالانده حکم شرعی ایله حکم هیئی آراسنده بر تناقض اندیشه سنه فصل دوشمش و بومهم عقده مطالعات مخصوصه عالمانلریته فصل باعث یکانه اولمش ایسه، مقصد هیئی ایله مقصد شرعی آراسنده هیچ بر نقطه نظر فرقی کوزتمه مک معطوف بولان بو عقده نك حلتده، علماء شرع ایله علماء هیئت آراسنده مفروض بر اعتماد سزلیق تصویرینی مبدأ نظر اتخاذ بیورمه کز و بو اعتماد سزلیق معذور کویسترمک ایچون اسلاف کیزی مؤاخذه به مجبوریته حسنی دویمش بولنه کزده قلب عاجزی به اوله بر عقده اولمش و بو سطرلرک تحریر به باشلیجه سائق بولنشدرد.

قالشره، ایسته یلره، برده اسیر اولانلره ویر، نمازی قیلار، ذکاتی ادا ایدر، سوکره معاهده ایتدکلری زمان عهدینی یرینه کتیرلر، هله صیقیتلی، خسته لقی صیرملرده و حرب زمانلرندە ثبات و متانت کویسترنلر یوقی، ایشته طاعتلرندە صادق اولانلر بولنردر، ایشته اللهم قورقائلر بولنردر.

خلاصه بو توحید جیلرک بوتون حرکتلری اللهک وحدایتنه، عبادتک بالکیز اوکا خاص بولوندیغنه و عیسی علیه السلامک بنی و رسول اولدیغنه طوغرو بورومکده در . بونلرک او قسفوردده همانچستر قویچ، آدی بر کلیه لری وار. مذهب توحیدی نشر ایدمک مبشر تیشدرمک ایچون مانچسترده بر کلیه لری دها بولنیور . کونک برنده بو مذهبله آرقه سندن طبیعی اوله رق کله جک نتایجی نصرانیت عالنده تم م ایتدیکی کبی خریستیانلر مسلمانلرله برابر اوله رق اوله نك بر معبود قارشیسندە بولوندکلری کوره جکله هپسینی برو تقوی اوزرنده تعاونه چاغیریور؛ جمله نك وجدانته (یا ایها الذین آمنوا ادخلوا فی السلم كافة ولا تتبعوا خطوات الشیطان انه لکم عدو مبین — سورة بقره) [۱] قول کریمله خطاب ایدرکن دنیانک متاع باطلی او غورندە قائلردو کبی، جانلره قیمه بی کندیلریته تحریم بو یوریور .

شاید اهل کتاب، اللهمدن باشقه سنی طایفامیه، اللهه هیچ بریشی شریک قوشامیه، اللهی بر اقوبده انسانلردن بر طاقیمنی معبود ایدنیه مه دعوت اولوندکلری کون اجابت ایتش اولس لردی اهل صلیب محاربه لرینک هیچ بری اولمازدی . او محاربه لرک که عرض ایتدکلری جهرم لر، بوروندکلری نقابل رنگا رنگ اولمقله برابر ایدیا انسانیتک بادی خبیثی کسیدلی؛ ابنای بشر آره سنده مسالته امکان بر اقایان برفته او جانغی اولدی قالدی .

خلاصه، دین اسلامده جناب حق طرفدن بوتون پیغمبرلره ایندیریلن شیلرک کافه سنه ایمان مسلمانلر ایچون ض وریدر . چونکه تفصیلی بزلره قدر کله مش اولمقله برابر اولنردە علیه الصلوة والسلام افندیمره کوندریان وسائل هدایت و اسباب سعادتله هم آهنگ اولمق ایجاب ایدر . اوله یا، اللهک بوتون امتلره کوندردیکی دین بر در . هیچ بر وقت بو امتلرک کندیلری، حاللری، زمانلری، مکانلری دیکشمکله دین الهینک اساسلری دیکشمز . بو اختلافات ایله برلکده تحالف ایدن جهت، معاملات عائد احکام فرعیه ایله عبادتک اشکالدر . شوآیت جلیله ده اولدیمی کبی: (لیس البر ان تولوا وجوهکم قبل المشرق والمغرب ولكن البر من آمن بالله والیوم الآخر ولمشءه والکتاب والنبین و آتی المال علی حبه ذری القربی والیتامی والمساکین وابن السبیل والسائلین وفی الرقاب و اقام الصلوة و آتی الزکوة والموفون بعهدهم اذا عاهدوا والصابرین فی البأساء والضراء و حین البأس اولئک الذین صدقوا و اولئک هم المتقون — سورة بقره) [۲]

[۱] ای ایمان ایدن کیمسلر، هیکز بدن صلح و مسالته کیرک. شیطانک آدی لرینی تعقیب ایتیهیک . چونکه او، سزک ایچون آب آجیق بر دشمندر. [۲] یوزلریکزی مشرقه، یاخود مغربه دویتمکز طاعت دکلدرد . طاعت آنجق او کیمسلرک ایشلیدی درکه اللهه، آخرت کونته، ملکله، کتابه، پیغمبرلره اینانیر، سودیکی مالنی خصیملریته، یتیملره، یتیملره، یولده